

wo sie den wusten ader erfuren by syme eyde getruwelichin warnen vnd bewaren wo sie ymer kuñen vnd mugen Es sal auch nymand sinen vngehorsamen frund schutzen husen heymen furdñ ader vteidingen Inkeinwiss vnd hinder weme man das erfunde mit dem sal man das halden als mit dem vngehorsamen ane geuerde. wir habin auch dem geñten vnssm dorffschaffte zu nutze vnd zu fromen die sunderliche gunst vnd gnade gethan vnd yn vmb das lehnrecht ubir solliche guter als sie von vns zu lehn habin verschriben vnd bestetiget Also wann ein iglicher von eyme kouffe des gutis von vns zu lehn rurende sine lehn entpfangen vnd sin lehnrecht douon gegeben vnd gethan had als vor alder gewest ist So sullen sine erbin damitte belehnt sin diewile sie lebin doch also das sich die erbin nach der eldñ tode mit yren namen sullen lassen inschriben ane geuerde vnd wullen von allen vnd iglichen geistlichen vnd wertlichin lehnhr̄en die guter In dem dorffe ader flure doselbs zu lehen habin das sie demselbin vnserm dorffschaffte mit den lehn ouch sollichermasse zu halden vnd doby sullen bliben lassen vnd sich hirnoch damitte auch noch vns richten uff das vnser dorff deste furder In wesen bliben vnd vns vnd eyme iglichen wer zcinse ader pflichte doselbs hat sine gerechtikeit deste furder vnd gewisslicher gegeben vnd gereichin mögen was abir guter verkoufft ader sust verfilen vnd loss wurden ane erbin sal man lehnwere nemen alsdicke sich das geburet / als das vor alder gewest vnd herkomen ist ane alle argelist vnd geuerde / Des zu orkunde vnd warem bekentnisse Habin wir friderich Lantgraue zu doringen obgeñt vnser Ingesigel wissentlichin an diesen brieff lassen Hengen / der gegeben ist zu Theneberg nach Cristi geburd viertzenhundert Jar darnoch In dem Sechsvnddrissigsten Jare am firtage Senct Bartholomeustage des heiligen zewelfboten ‘ ‘ ‘

(Von dem wohlerhaltenen Siegel ist nur ein Theil der Umschrift abgebrochen.)

